

rineqarput. Inatsisartunut ilaasortat Hans Egedep Illuani ilasseqatigilluni nereqatiginnermi folketingimut ilaasortanik naapeqateqarnissaminut periarfissinneqarput.

Inatsisartut siulittaasuia Savalimmiuni juunimi ataatsimiinnerat

Savalimmiuni, Islandimi nunatsinnilu inatsisartut siulittaasui ukiumut ataasiarlutik naapeqatigiittarput, ukiorlu manna tamanna Savalimmiuni ulloq 28. juni pivoq. Nunat paarlaakaallutik ataatsimiiffiusarput, tullianillu 2012-imi Islandimimi ataatsimiittoqassalluni. Nunani pineqartuni inatsisartuni sulineq pillugu ilisimateqatigiittoqartarpoq, taamatullu aamma inatsisartoqarnermi pissutsit eqqarsaatigalugit misilittakkanik inatsisartullu sulineri pitsaanerulersinniarlugit sulutaasinnaasunik nutaanik ilisimateqatigiittoqartarluni.

Nunat Avannarliit Killiit Siunnersuisoqatigiffiata (NAKS) Savalimmiuni ataatsimeersuartsinera

NAKS piffissami 7. - 9. juni Savalimmiuni aalajangersimasumik qulequtaqatitsilluni ataatsimeersuartsivooq Siunissami Nunani avannarlerni killerni utoqqarnut inissiat qulequtaralugu. Nunatsinnit titartaasarfup Qarsoq pisortaa Johan Rosbach peqataavoq Kalaallit Nunaanni siunissami utoqqarnut inissialoriaasissatut siunnersuutertik unammisitsinermi ajugaassutaasoq saqqummiullugu, soorlu aamma Utoqqaat Nipaata ataatsimeersuarnermi siulittaasortik Magnus Therkelsen peqataatikkaat. Kingulleq siunissami inigissassanut utoqqaat sunik naatsorsuuteqarnerannik saqqummiussaqqarpoq. Utoqqaat Nipaata siulittaasuata oqariartuuta erseqqippoq, tassalu siunissami utoqqarnut inissialortitertarnissat pillugit naalakkersuinnikkut aalajangiartarnerni peqataatinneqarnerunissaat pisariaqartoq, soorlu aamma meeqqat pisinnaatitaaffii pillugit inatsimmut assingusumik utoqqaat pisinnaatitaaffii pillugit aamma nunatsinni inatsiseqalartariaqartoq.

Tamatuma saniatigut Nunat Avannarliit Siunnersuisoqatigiiffiat NORA NAKS-ilu suleqatigalugit Atlantikup avannaani imaatigut ajutoortoqariataarsinnaaneranut upalungaarsimaneq pillugu ataatsimeersuartsivooq, tassani aallaavigineqarluni maajimi Nuummi Issittumi Siunnersuisoqatigiit ataatsimiinneranni tamanna pillugu suleqatigiinnissamik Issittumi Siunnersuisoqatigiit aalajangererat. Savalimmiuni ataatsimeersuarnermi oqariartuutit takutippaat Atlantikup avannaani imaatigut ajutoortoqariataarsinnaaneranut upalungaarsimaneq suleqatigiissutigineqassappat tamatuma nukissanik naammattunik atugassaqqarfiunissaa pisariaqartinneqarpuassasoq.

2011-mi upernaakkut ataatsimiinneq

2011-mi upernaakkut ataatsimiinneq 1. marts aallartip-poq 13. april naammassilluni. Upernaakkut ataatsimiinnermi ullut 16-it ataatsimiiffiupput, taamalu 2010 upernaakkut ataatsimiinnermi ullut ataatsimiiffiusut amerlaqatigalugit.

Upernaakkut ataatsimiinneq pilersaarutaareersut iluanni naammassineqarpoq, naak naatsorsuutiginnisamik annertuumik pisoqaraluartoq ataatsimiinnerup ingerlanneqarneranut sunniuteqartumik.

Inatsisartuni init, pineqarlutik Inatsisartut ataatsimiittarfia, ataatsimiititaliat ataatsimiittarfii allaffeqarfillu, Namminersortutik Oqartussat allaffeqarfissuanni sumiiffinni allani paasineqarsimasutut, oqummit saassunneqarsimassangatinneqaleruupput. Tamannarpiaq pissutigalugu taamatullu aamma sulisut ininillu atuisut eqqarsaatigalugit Inatsisartut ataatsimiinnerat unitsinneqarallarpog, erseqqissumik paasisaqarnissap ataatsimiiffiusinnaasunillu allanik nassaartoqarnissaata tungaanut.

Inatsisartut ataatsimiittarfia avataani ataatsimiiffiusinnaasunik allanik pilersitsoqarpoq ataatsimiititaliallu sulinerat nangeqqinneqarluni, taamaattoorli Inatsisartut ataatsimiittarfii atortorissaarutit, ilaatigut oqaluttaanerumut, atunngikkaluarlugit.

Nuummi kommunalbestyrelsip ataatsimiittarfiani UPA11-p naammassineqarnera

Kommuneqarfik Sermersuup inussiarnisaarluni kommunalbestyrelsip ataatsimiittarfia Inatsisartunut atugassanngortippaat, taamaalillunilu annertunngikkaluartunik naleqqussaalaarluni Inatsisartut ataatsimiiffigisinnaasaannik allamik pilersitsisoqarluni, taamalu upernaakkut ataatsimiinnermi ullut ataatsimiiffiusussat kingullit marluk tassani ingerlanneqarlutik. Nutaatut ataatsimiittarfimmi ilaasortat sumi issiassanersut makitsinikkut aalajangerneqarpoq, tamanit naammaginartinneqartumik.

Ataatsimiinnerup TV-kkut aallakaatinneqarnera

Upernaakkut ataatsimiinneq kanali digitaliusumik aallakaatitsivigineqarsinnaasoq piareersimatitaq atorlugu KNR-imit toqqaannartumik aallakaatinneqarpoq. Tamanna pivoq Inatsisartunut toqqaannartumik aningaasartuutaanngitsumik, tassanimi pineqarmata Inatsisartut nittartagaat aqqutigalugu Inatsisartut ataatsimiinnerannit internettikkut aallakaatinneqartareersut.

NAKS-imit kaammattuutit

UPA11-mi NAKS-imut aallartitat Inatsisartunut kaammattuutit aalajangersakkanik tallimanik saqqummiussaqqarput. Siunnersuutit sisamat akuerineqarput, taakkunani pineqarlutik Nunani avannarlerni killerni radiukkut tv-kkullu aallakaatitat pillugit suleqatigiinnerunissaq, ataatsimut aalisagaqatigiit iluaqutiginiar-



Upernaakkut ataatsimiinneq Nuummi kommunalbestyrelsip ataatsimiittarfiani naammassineqarpoq

neqarnerisa suleqatigiissutiginnissaat, angallannikkut attaveqaatit pitsaanerulersinneqarnissaat kiisalu kisimiillutik pilersuisuusut atugaasa pitsanngorsarneqarnissaannut suleqatigiinnerunissaq. Nunat avannarliit killiit ataatsimut oqaluttuassartaanik ilisimatuarnermut ilisimasaqqarfirmik pilersitsinissamik siunnersuut UKA11-mi aappassaaneerseqassaaq, 2012-imut aningaasanut inatsisissatut siunnersuummut atatillugu siunnersuutit sukumiinnerusumik periarfissai Naalakkersuisut nalilersorniarmatigit.

Aningaasarsiaqartitsineq pillugu inatsit

Aningaasarsiaqartitsineq pillugu inatsit UKA10-mi siullermeerneqarpoq Inatsisartuni sulineq eqqarsaatigalugu inatsisit allat arllallit nutarterneqarnerannut ilatigillugu.

Aningaasarsiaqartitsineq pillugu inatsit UPA11-mi naammassillugu suliarineqarpoq akuerineqarlunilu, ilaatigullu malitsigalugu Inatsisartut aamma Naalakkersuisut siulittaasuata, taamatullu aamma Naalakkersuisunut ilaasortat, ineqarnerminnut akiliutigisartagaasa ullutsinnut naleqqussarneqarnerat.

Ineqarnermut akiliutaasartut ukiorpassuarni iluarsineqartarsimangillat, siulittaasut eqqarsaatigalugit akeqanngitsumik najugaqartinneqarnerup akileraartarnikkut oqartussanit akileraartarnikkut nalilerneqarnera tunngavigalugu akiliisoqartarsimalluni, Naalakkersuisunullu ilaasortat ataasiakkaat eqqarsaatigalugit atorfirmut atatillugu inigisamut ineqarnermut akiliutip isumaqatigiinniutigineqartarsimanginnera pissutigalugu. Pissutsit tamakku inatsimmik nutarterinikkut iluarsinarneqarput.

Aningaasarsiaqartitsineq pillugu inatsisikkut taamatuttaaq Inatsisartunut ilaasortat siunissami periarfissaqalerput qanigisat napparsimarulunernerinut toqunerinullunniit atatillugu sulinggifeqarsinnaanissaminut, soorlu aamma naartunermi, erninermi meeravissartaarnermilu sulinggifeqartoqarsinnaasoq. Pisinnaatitaaffiit taakku aamma Naalakkersuisunut ilaasortanut atuutisapput.

2011-mi ukiakkut ataatsimiinneq

Ukiakkut ataatsimiinneq ulloq 16. september 2011 aallartissaaq, ileqqusutut Annaassisitta Oqaluffiani naalagiaqatigiinnermik. Tamanna pereerpat Naalakkersuisut siulittaasuata ammaalluni oqalugiassaaq, nalinginnaasumik nunatta killiffia saqqummiullugu.

Inatsisartunut ilaasortat Naalakkersuisullu ukiakkut ataatsimiinnermut oqaluuserisassanik ilanngukkusutaminik tunniussivissaat ulloq 12. august nal. 12.00-imut killilerneqarsimavoq.

INATSIARTUT
PARLIAMENT OF GREENLAND



Inatsisartut Siulittaasuannit
Josef Motzfeldtimit
NUTAARSIASSAT
Ukiup affaa siulleg 2011



Newfoundland Labradorimi siulittaasoqarfiup pisortatigoortumik tikeraarneranit

Aallaqqaasiut

Qinigaaffimmi matumani ukiut Inatsisartut suliffiisa pingajuat ulloq 16. september ukiakkut ataatsimiinnerup ammarneqarneratigut aallartissaaq. Tamanna sioqqullugu siulittaasoqarfik aammaarluni suliniutinik aallartitsisimavoq Inatsisartut ukiuanni nutaami malunnaateqartussanik.

Kunngissakkut kuisitsineranni tunissut

Ulloq 14. april kunngissakkut marlulissanik kuisitsinerannut Siulittaasoqarfik pilluaqqussuteqarpoq. Inatsisartut sinnerluggit Siulittaasoqarfik marlulissanut puisit amiit atallaalianik ukioq manna kingusinnerusukkut tunniunneqartussanik tunisuteqarpoq.

Ataatsimiinnermik aqutsinermik Inatsisartunut ilaasortat pikkorissartinneqarnerat

Siulittaasoqarfiup Inatsisartut nutaat 2009-mi katersuunerata kinguinngua aalajangerpaat Inatsisartunut ilaasortat Inatsisartuni sulinermik paasininnerunissaat siunertaralugu pikkorissarnernut peqataasarnissaminnik periarfissinneqasasat. 2010-mi oqallorissarnermik pikkorissartitsisoqarpoq, UPA11-mullu atatillugu taamaalilluni aamma ataatsimiinnermik aqutsinermik pikkorissartitsisoqarluni ulluni 4. - 5. marts ingerlanneqartumik.

Siulittaasoqarfiup pisortatigoortumik Newfoundland aamma Labradorimut tikeraarnerat

Siulittaasoqarfik ulluni 7. majimiit 14. majimut Newfoundland aamma Labradorimi St. John'simi pisortatigoortumik tikeraarpoq. Siulittaasoqarfik inatsisartuinut pulaarpoq Newfoundlandimilu inatsisartut aqqissuussaannerat pillugu sukumii-sumik ilisimatinneqarlutik, taamatullu aamma Inatsisartut Siulittaasuannik Hon. Roger Fitzgeraldimik naapeqateqarlutik inatsisartuinilu akunneq apeqquteqarfiusinnaasoq malinnaavigalugu. Siulittaasoqarfiup taamatuttaaq Ministeriuneeq Ms. Kathy Dunderdale ministerillu allat naapippaat, tamatumunnga atatillugu aamma imavinni pissutsinik ilisimatusarfimmut soqutiginarumik pulaarlutik.

Aningaasatigut soqutigisanik nammineq piumassutsimik paasissutissiisarneq

Siulittaasoqarfik St. John'simiinnermini ataatsimiippoq ataatsimiititaliat arlallit kattunneqarsinnaanerit, taamatullu aamma Inatsisartunut ilaasortat ilaasortatut atuuffimmik saniatigut aningaasatigut inuussutissarsiornikkullu soqutigisatigut pillugit nammineq piumassutsimik paasissutissiisinnalernissaannik aqqissuussinermik nutaamik eqqussisoqarsinnaanera ilaatigut eqqartorlugu.

Ulloq 1. juni siulittaasoqarfik aalajangerpoq Inatsisartut ilaasortatut atuuffiup saniatigut aningaasatigut inuussutissarsiornikkullu soqutigisat pillugit nammineq piumassutsimik paasissutissiisarnermik aqqissuussineq nutaaq aallartinniarlugu. Ilaasortat pissutsit tamakku pillugit paasissutisseerusukkunik paasissutissat nassiunnaannut qaammammik ataatsimik periarfissinneqarput. Paasissutissat tiguneqartut tamama kingorna nittartakkami www.inatsisartut.gl/katitigaanerat-imi takuneqarsinnaassapput.

Siulittaasoqarfiup pingaartippaa qinikkat sulinerata innuttasunut sapinngisamik ammanerpaamik ingerlanneqarsinnaanissaa. Siulittaasoqarfiup suliassaq, aalajangertakkamisut allatulli, malinnaavigeqqissaarniarpaat paasissutissalu aallaqqaataasumik tunniunneqartut tunngavigalugit paasissutissat tunniunneqartussat annertusineqarsinnaanerit pisariqarnerisooq nalilerlugu. Siullermillu pisariqarpoq paasissallugu ilaasortat qassit nammineq piumassutsimik aqqissuussineq manna atussallugu kissaatigineraat, siulittaasoqarfiup ilaasortat pinngitsaalisinnaangimmagit aningaasatigut atukkatik pillugit paasissutissiinnaannut.

UKA2011-miit ataatsimiititalianik kattussineq

Siulittaasoqarfiup aamma ulloq 1. juni ataatsimiititaliat arlallit kattunnaasaat akuersissutigaa. Kattussinerup 2011-mi ukiakkut ataatsimiinnermi atuutilernissaa naatsorsuutigineqarpoq.

Ataatsimiititaliat uku kattunneqassapput:

1. **SIUSINNERUSUKKUT:** Inatsisat atortinneqarnerannut ataatsimiititaliaq, Eqqissisimatitsinermut ataatsimiititaliaq aamma Nunami namminermi pissutsinut ataatsimiititaliaq --> **NUTAAQ:** Inatsisartut ataatsimiititaliaq

2. **SIUSINNERUSUKKUT:** Kukkuersiunerimut ataatsimiititaliaq aamma Akileraartarnerimut akitsuusiisarnermullu ataatsimiititaliaq --> **NUTAAQ:** Akileraartarnerimut kukkuersiunerimullu ataatsimiititaliaq
3. **SIUSINNERUSUKKUT:** Inuussutissarsiornerimut ataatsimiititaliaq, Aatsitassanut ataatsimiititaliaq, Aluminiuliorfiliorniarneq pillugu ataatsimiititaliaq aamma Aalisarnerimut, piniarnerimut punalerinermullu ataatsimiititaliaq --> **NUTAAQ:** Pisuussutinut ataatsimiititaliaq
4. **SIUSINNERUSUKKUT:** Ilaqutariinnerimut ataatsimiititaliaq aamma Peqqissutsimut ataatsimiititaliaq --> **NUTAAQ:** Ilaqutariinnerimut peqqissutsimullu ataatsimiititaliaq
5. **SIUSINNERUSUKKUT:** Attaveqatigiinnerimut ineqarnermullu ataatsimiititaliaq aamma Avatangiisinut ataatsimiititaliaq --> **NUTAAQ:** Sanaartornerimut avatangiisinullu ataatsimiititaliaq

Taamaalilluni Inatsisartuni ataatsimiititaliat 17-iugaluartut quliinnangussapput.

Siulittaasoqarfiup taamatut aalajangernermigut kissaatigaa ilaasortat sulinerisa nukittorsarneqarinnissaat ilaasortat taamatut kattussinikkut ataatsimiititaliani assigiinngitsuni ataatsimiinnermik arlalinnik ataqatigiissaarisussaajunnaarlutik ataatsimiititaliami ataatsimi suliassaqarfimmik annerusumik aallussisinnalissammata. Siulittaasoqarfiup naatsorsuutigaa taamatut ataatsimiititalianik kattussinikkut suliassaqarfiit pissusissamisoortumik imminnut atasut ataatsimiititaliamilu ataatsimi suliareneqartarsinnaasut suliareneqartarnerat nukittorsarneqassasoq.

Tamatumunnga peqatigitillugu siulittaasoqarfik Inatsisartut suleriaasiannut allannguutissamik saqqummiussaqaarniarpoq ataatsimiititaliani nutaani ilaasortat arfineq-marluk tikillugit amerlassuseqalersinnaalersillugit, suleriaaseq atuuttoq naaperlorlugu massakkut tallimaannaasinnaammata.

Nersornaasiinerit

2011-p affaani suullermi Siulittaasoqarfik ataatsimik Nersornaasiivoq, Nanortalimmi borgmesteriusimasooq Nikolaj Ludvigsen nersornaaserneqarmat. Nersornaasiineq Nanortalimmi pivoq Inatsisartut Siulittaasuata malunnartitsiniarnerani.

Issittumut sammisumik suliniuteqarnermut atatillugu Tromsømi inatsisartunut ilaasortat ataatsimeersuarnerisa aappaat

Inatsisartut Siulittaasuata ulluni 22. - 23. februar Tromsømi ataatsimeersuarnerimut peqataavoq. Ataatsimeersuarneq taamatut ataatsimeersuarnerit aappasaraat Nunat Avannarliit Siunnersuisoqatigiiffianni Finlandip siulittaasuutitaqarnerani aallartittumik nunat avannarliit suleqatigiinnerannik aallaavilik. Rusland suleqatigiinnerimut tassunga aamma peqataavoq. Inatsisartut Siulittaasuata issittumi peqqinnissakkut suleqatigiinnissamut isumaqatigiissut, ulloq 16. februar 2011 Nuummi ataatsimeersuarnermi issittumi peqqissutsimut ministerit isumaqatigiissutigisaat, pillugu saqqummiussaqaarpoq. Tromsømi ataatsimeersuarnerup nalaani Nunat Avannarliit Killiit

Siunnersuisoqatigiiffiata siulittaasoqarfia taamatuttaaq 2011-mi suullermeerluni ataatsimiippoq juunimi aggustimilu NAKS-ip ataatsimeersuurtitsinissaa ukiumoortumillu ataatsimiinnissaa piareersarniarlugit.

Illersornissamut ministerip tikeraarnera

Inatsisartut Siulittaasuata ulloq 16. maj 2011 illersornissamut ministerimut Gitte Lillelund Beckimit pulaarneqarpoq, taassuma Issittumi sakkutooqarinnikkut qullersaqarfiup nutaamik sumut inissinneqarsinnaaneranut periarfissat pillugit paasisassarsiorluni nunatsinnut angalanerani. Illersornissamut ministerip siulittaasoq naapikkussimavaa issittumi sakkutooqarinnikkut qullersaqarfissap nutaamik inissinneqarinnissaanun naalakkarsuinnikkut isummat tusarusullugit.

Issittumi sakkutooqarinnikkut qullersaqarfiup nutaamik inissinneqarinnissaanik aalajangerinnissap 2011-mi aasaareerpat aatsaat pinissaa naatsorsuutigineqarpoq.

EU-p inatsisartuinut ilaasortanik tikeraarteqarneq

Nunat Avannarliit Killiit Siunnersuisoqatigiiffiata siulittaasoqarfia Nuummi ulloq 19. maj ukioq manna aappasannik ataatsimiinneranut atatillugu NAKS-ip siulittaasoqarfia EU-p inatsisartuinut ilaasortanik tallimanik tikeraarteqarpoq. Siulittaasoqarfik EU-llu inatsisartuinut ilaasortat Nuummiinnermi arlaleriarlutik ataatsimiippoq, ilaatigut Naalakkarsuisut Siulittaasuata, Aalisarnerimut, Piniarnerimut Nunalerinermullu Naalakkarsuisooq kiisalu Inuussutissarsiornerimut Aatsitassanullu Naalakkarsuisooq ataatsimeeqatigineqartarlutik. Taaneqartut saniatigut aamma Aatsitassanut ataatsimiititaliaq, Aalisarnerimut ataatsimiititaliaq, ICC aamma Greenland Development A/S ataatsimeeqatigineqarput.

EU-p inatsisartuinut ilaasortat oqariatuutaat pingarneq tassaavoq EU-mut puisinik nioqqutissianik eqqusseqqusiunnaarnerimut, tamatumunngalu naggueqatigiinnut inunnut atuutinninnerata sunniuteqannginnerata, atatillugu nunatsinni piniartut aningaasatigut eqqugaasimaneerisa kingunerisaat pillugit EU-mi tusarniaasoqarinnissaa sulissutiginiaramikku.

Greenland Contractors Pituffimmiinnermik ukiunik 25-nngortorsioritsineranut siulittaasup peqataanera

Piffissami 9. - 13. juni Greenland Contractors Pituffimmi ukiunik 25-nngortorsioritsineranut peqataanissaminut Inatsisartut Siulittaasuata qaaqquneqarsimavoq. Siulittaasoq nalliut-torsiornermi aqqissuussinernut assigiinngitsunut peqataavoq, soorlu aamma GC-p Pituffimmi sakkutooqarfimmik isumaqatigiissutaata nutarneqarinnissaa pillugu isumaqatigiiniarnissat pillugit ilisimatitsissuteqartoqartoq.

Folketingimut aallartitat paasisassarsiorlutik angalasut

Folketingi ukiumut tamaasa folketingimut ilaasortanik Naalagaaffiup Sinniisoqarfia suleqatigalugu nunatsinnut paasisassarsioritsilluni angalatitsisarpoq. Aallartitat sinerissami illoqarfinnut arlalinnut tikeraartarput, taamatullu aamma Nuumminnermini Inatsisartunut alakkaasarlutik. Ulloq 20. juni folketingimut ilasortat arfinillit atorfillitaallu sisamat pulaarto-